

Neptuni filius, Antiochus Herculis filius, Ajax Telamonis filius, Leon, qui filias pro publica salute devovit, & Oeneus Pandionis secundi filius, quibus Athenienses postea Attalum Pergamenum, & Ptolomæum Philadelphum Ægyptium, ob beneficia ab iis regibus accepta addidere, & Tribus deinde duodecim fecerunt. Hi Athenis magno in honore habebantur, eorumque statuae prope quingentorum curiam ponebantur, ad easq; & non ad Archontum Eponymorum (illi enim eo nomine status non habebant) ut e stupidissime hallucinatur Petitus, suspendebantur Leges à Nomothetis scriptæ, ut, priusquam latæ erant, ab omnibus approbarentur. Hic etiam Clisthenes f Ostracismum, quo in exilium Tyrannidis evitandæ causâ mittebantur potentiores, primus instituisse, eoque primus damnatus perhibetur, sed falso: non enim ab Atheniensibus, sed s à Cleomene Lacedæmoniorum Rege, ab Isagora, qui Tyrannidem affectabat, accersito sub prætextu reatus ob Cylonium piaculum cum septingentis militaribus familiis urbe pellebatur, ejectis autem ab Atheniensibus Cleomene & Isagora iterum rediit, & h Democratiæ secundum Solonis leges stabilivit. i Clisthenis frater erat Hippocrates, qui genuit Megaclem, & Agaristam. Agarista à Xantippo ducta peperit Periclem. Megacles vero genuit Dinomacham matrem Alcibiadis; hinc Alcibiadis cum Pericle, & utriusque cum Alcæonidis cognatio, ob quam utriusque piaculo ob supplicum eadem tenebantur: k atque ideo in initio belli Peloponnesiaci Lacedæmonii, cum Pericle ejecto Athenienses facilius vinci sperarent, per legatos postulabant, ut de piaculi reis iterum Quæstio haberetur.

Ep. 47. Ἀφ' ἑ Χοροὶ πρῶτον ἠγωνίσαντο ἀνδρῶν ὃν διδάξας Ὑπο. κ. Θ. Χαλκιδεῖς... ὄνικ... ἐπὶ ΗΗΔΔΔ... Ἀρχοντ. Ἀθηνησι Λυσιστράτου. Lacunas sic supple, ὃν διδάξας Ὑπόδικ. Θ. Χαλκιδεῖς ὄνικ. Cεν ἐπὶ ΗΗΔΔΔΔΙΙΙ, cum enim numerus restituendus debet esse unus eorum, qui inter numerum 248 & 23 s intercedunt, numerum ΗΗΔΔΔΔΙΙΙ eligo, utpote qui omnium eorum, qui hic restitui possunt, Lacunæ spatio maxime mihi videtur convenire. Præterea non dubium est, quin hic pro Λυσιστράτου, reponendum sit Ισιστράτου. Isagoras autem archon fuit, testibus l Dionys. Hal. lib. 5. & Anonymo ἀναγερῆς Olymp. Aut. Olymp. 68. an. i. an. autem primus Olymp. 68. est an. Ep. Mar. 244.

Χοροὶ πρῶτον ἠγωνίσαντο. Sublatâ è veteri Comœdia Chororum licentiâ, agi cœperunt seorsim, ut primo ferme agebantur. Nam vetus Atheniensium musa nihil aliud erat præter χορὰς παιδῶν ἢ ἀνδρῶν, choros puerorum & virorum, quod docet Maximus Tyrius dissertatione 21. Unde etiam Tragœdia & Comœdia tandem propagatæ. Trichoriam Lacedæmonii instituerat Tyræus ad tres ætates, Puerorum scilicet chorum, Virorum, & Senum. Vide Pollucem lib. 4. De chori item vetustate, vide Eusebium numero DCCXXIV, ubi de Philammone, & Philostratum in vita Apollonii, lib. 4. cap. 6. ubi de Æschylo. Virorum autem non solum agebatur chorus, sed demum in certamen evasit, quod vicit primus choragus hic seu chori coryphæus (ita dictus, qui choro præerat & eum docuit seu edidit) cuius nomen pene in Marmore oblitteratum aliunde restitui, puto, nequit. Hypodicus si legam, favent satis & elementorum quæ supersunt vestigia & lacunæ spatiolum. Chalcidensem fuisse palam est. Nam Χαλκιδεῖς tantum non integrum in Marmore habetur. Quisquis demum heic fuerit, & Poetam & Musicum fuisse insignem dubitandum non est. Viderint igitur perspicaciores an Hippicus carminum scriptor numero Eusebiano MCCCCLXXVII. (qui æque ignotus est) aut Hippasus, nomen apud Capellam æque controversum lib. 9. aut Pondos & Hyperides, in libello cum Cenforino plerunque edito, aut medelam heic submittrent, aut hinc accipiant. Seld.

ε In libro De Legibus Atticis. f Var. Hist. l. 13. c. 24. g Herodotus lib. 6. h Aristot. Polit. lib. 5. c. 1. & lib. 6. c. 1. i Herodot. lib. 6. Plutarch. in Pericle, & Alcibiade. k Thucydides lib. 1. Plutarchus in Pericle.

Ep.